



**The Arc**  
of Spokane

**AOLEP IM RUWANENE  
ILO JUON JUKJUKIN  
PĀD IN  
EN PO ḶŌMĀN MOUR  
AN AOLEP**

*Ñan ro me ewōr aer likjab ak e mōjḡo ānbwinneir*





Kōm ej jimor jermal ippān ro me kōm ej jipañ ir, bwe kōmen lo elōñ oktak ko reṃṃan. Kōm ej karuwaneneik aolep kain armej. Kōm ej kōṃṃani iien ko reṃṃan bwe aolep ren maroñ in mour juon mour e po lōmān im make bōk kunaer ilo jukjuk in pād eo ad.

# KAMAROÑ ER BWE REN MAKEŁOK IAER

Ilo 1950 jet pāren ro rar kōṃṃan juon doulul etan in The Arc of Spokane, kōttōpar eo aer ej bwe en eṃṃanłok wāween mour an ajri ro nejeir me ewōr aer likjab ak ṃōjṃo (Intellectual and Developmental Disabilities, IDD). Rainin ewor 600 doulul ko in The Arc ipełaakin Amedka, doulul eo amim ilo bukwōn in joñan wōt an kajoor ejjełok wōt ioon- kōm ej jipañ ełapłok jān 3,000 armej, ajri im rūtto jimor, me ewōr aer nañinmej in autism, cerebral palsy, Down syndrome im likjab ko jet.

Ilo aṃim kwałok jouj im jutak likin armej rein im jermal ippan ro im kōm ej tōmak ir, kōm ej jipañ bwe en eṃṃanłok mour ko an armej rein me ewōr aer IDD im baamle ro aer – jān iien aer łotak im toon wōt aer mour.

## IPPĀN DOON

Kōm ej kautiej maroñ jimwe ko an aolep armej bwe ro jet ren kautiej er im bwe en łap tokjaer ilo jukjuk in pād eo aer.

## JOJOMAAR

Kōm kōṃaan bwe en jab wōr jabdewōt abañ ṃan armej rein kab baamle ro aer im kōm kōṃaan bwe ren mour juon mour e kanooj eṃṃan.

## KAJJOJO ARMEJ

Kōm ej likūt armej ṃaantata im kōṃṃan elōñ oktak ko bwe aolep armej ren mour juon mour eṃṃan im bwe ren maroñ makełok iaer ainwōt juon rūtto.

## KAUTIEJ

Ewōr tokjan aolep armej im aolep armej re aorōk.

## JUON MOUR EṃṃAN

Kōm ej kamaroñ aolep bwe ren mour, jermal im ikkure joñan wōt aer maroñ.





# PÄREN RO

Ñe kwoj roñ bwe ewör an ajri eo nejim likjab, emaroñ kõmman bwe en lukkuun oktak mour eo aṃ. The Arc of Spokane ekõṇaan lewõj jipañ, kein jipañ ko im katak ko ñan jipañ pären ro bwe ren jelä kilen jutak likin ajri eo nejeir jän iien an lotak lok ñan ñe e rüttoṷok.

## MOUR MÖJIN HIGH SCHOOL

Ilo workshop kein, kwonaaj katak kõn men ko kwo maroñ kõmmani ñan jipañ ajri eo nejim mour juon mour emman, käälet men ko re kõṇaan kälöti, im bwe elõñ men ko remman ren peṷṷok ñan e!

## BÜROOKRÄÄM KO JET

Workshop ko Kumi in röjañ im jipañ ro jet Jikin jokwe ko me elõñ ri lale im ri jipañ ie Wäween Jipañ Pären ro lien ko ippän doon

## SIPSHOPS

Bürookrääm in ej ñan jimjeen/jimjatin ajri ro me ewör aer IDD. Ej juon iien bwebwenato, ikkure, im möttaik ro jet me ewör jeir im jatir me re likjab.

## WÄWEEN KILE IM KAMADMÖDE ÑE REJ KOK-KURE JUON ARMEJ ILO WÄWEEN KO RETTOON

Köttöpar eo an bürookrääm in ej ñan kaböjrak aer kokkure ro re likjab (IDD) ilo wäween ko rettoon. Wäween aer kõmman men in ej kõn aer katakin ri jermal ro in IDD, ri jermal ro in emergency, ri kaki ro, pären ro, im ro ri lale kõn kakkõlle ko me rej waṷok ippän armej ro me emõj an waṷok jorrään ko rettoon ñan ir im wäween kamadmöde.

## JIKIN LALE RO RE LIKJAB ÑE PÄREN AK RI LALE RE AIKUJ KAKKIJE

Mwiin ej juon jikin me armej ro im ewör aer IDD re maroñ päd ie ñe pären ak ri lale ro aer re aikuj kõmman türeep ak taktö. Ewör ro im rej lale armej eo raan im boñ 24/7. Ri jermal ro emõj aer training im e mõkade aer lale armej.

## PÄREN ÑAN PÄREN

Ñan Bukwön ko an Spokane, Ferry, Pend Orielle im Stevens Kõm ej röjañ im jutak likin pären ro an ro me ewör aer likjab. The Arc of Spokane ekõṇṇan lewõj jipañ im jutak ilikim im armej eo me ewör an likjab. Ejjeṷok oṇään jipañ kein.



## BUKWÖN IN SPOKANE DOULUL AN PÄREN RO

Ro ilo doulul in rej pären ro, ri kauk ri nañinmej, im ri lale ro ilo Bukwön in Spokane me ewör ro ilo baamle ro aer ak ro rej jermal ippän me ewör aer IDD. Armej rein rej ri jutak ilikeir, im rej töle ro jet bwe ren kakõmanmanṷok kien ko ilo bukwn ko aer im state ko aer bwe ren jipañ ro me ewör aer IDD im baamle ro aer.

# JODIKDIK

The Arc of Spokane ej leṷok bürookrääm ko ñan jodikdik kab likao ak jiroñ ro me ewör aer IDD im renaaj katak kilen mour äinwöt juon rütto. Bürookrääm in etan The Arc's Transition & Youth Adult Programs, TYAP ej kääṷöt ri jikuuṷ ro jän college ko ilo bukwön eo aṃ bwe ren one-on-one ippän ri nañinmej eo, rej kõmman kilaaṷ in katak kilen makeṷok iaam im mour äinwöt juon rütto, katak kilen jermal ilo juon job, im iien aer päd ippän armej ro jet.

## BUSINESS OPPORTUNITY SCHOOL FOR SUCCESS (BOSS)

Rej kõmman bürookraam in ilo summer im renaaj kõṷṷäki im katakin ri jikuuṷ ro me re päd ilo high school im katakin ir kilen kõmmani im wia kaki men ko ilo farmers market ko ilo bukwön ko aer.

## ADULTING 101

Aolep allõñ kilaaṷ in enaaṷ katak kilen jermal ippän ro ilo jujuk in päd eo aṃ im katak kilen kõjparok yuk ñe kwõj kajerbal internet, kadkadin kõmman jemjera ko remman, wäween make kõjparok yuk, im men ko jet.

## BÜROOKRÄÄM IN EXPLORERS



Bürookrääm in ej juon bürookrääm an The Arc of Spokane, im ej kääṷöt juon jiroñ ak likao me emõj an diwõjṷok jän high school bwe en jermal ippän juon jodikdik me ewör an IDD. Renaaj jermal ippän doon bwe ren lale men ko me ri limo ippän armej eo me e IDD im ta köttöpar ko an!

## JIPAÑ JÄN JUKJUK IN PÄD EO

Bürookrääm in jipañ in ej ñan ro me ewör aer likjab ak roṷok (DDA) im DDA case manager eo an kajjojo armej emaroñ register ñan bürookrääm in. Bürookrääm in ej äinwöt bürookrääm eo ilõñ etan in Explorers, juon armej me ewör an likjab enaaṷ bök jipañ im katak ippän juon ri jermal bwe en töprak köttöpar ko an ilo jujuk in päd eo an.

## SUMMER WITH A PURPOSE (SWAP)

Ilo summer, bürookrääm eo an TYAP ej kõmman bwijin iien an armej ro ippän doon aolep wiik bwe ren jab makeṷok iaer im bwe ren bök kunaer im jipañ jujuk in päd ko aer.





**JUON  
MOUR  
EMMAN**



**KAUTIEJ**



**LIKÛT  
ARMEJ  
MOKTA**



**JOJOMAAR**



**JAB  
KALIEKĻOK**





# KAJJOJO ARMEJ

Ro me ewōr aer IDD remaroñ aikuj jipañ ko jet bwe ren maroñ in makeļok iaer im bwe ren jelā kilen make kōmman pepe kajjojo raan. Eloñ bwijin būrookrāām ko an The Arc of Spokane ñan jipañ armej rein bwe ren jelā kilen makeļok iaer im bōk kunaan ilo jukjuk in pād ko aer.

## JUTAK KŌN KWE MAKE

Jān iien ñan iien ro me ewōr aer IDD re maroñ aikuj jipañ ñan kamadmōdi men ko re pen ak abañ ko ilo mour ko aer. Jutak kōn kwe make (Individual Advocacy) ej juon būrookrāām ñan jipañ juon armej toon wōt an aikuje, rej rōjañ, leļok mejeje, im kapok jipañ ko bwe armej eo me ewōr an IDD en wōnmaanļok ilo mour eo an, im en jelā wāween lōke e make im en jelā kilen mour makeļok iaan.

## REPRESENTATIVE PAYEE SERVICES

Ri jermal ro amim me relukkuun kapel ikkijien jāān renaaj jipañ armej me rej bōk jāān jān Social Security, im renaaj jipañ ir kōjparok jāān ko aer, kōļļā bill ko aer, kōmman budget, im jab leļok jāān ñan armej ro renana ak ro me remaroñ kojkure ir.

## COMMUNITY CENTER

Juon jikin me elōñ bwijin men ko re kalimomo ie im bwijin makūtkūt ko ñan jipañ rūtto ro katak im edekļok ilo mour ko aer. Būrookrāām in ej rōjañ armej me ewōr IDD ak ro me ejleļok aer IDD bwe ren iioon doon ilo kilaj ko (jet kilaa ko rej waļok aolep raan im jet rej waļok jān wiik ñan wiik), rej kōmman ikkure ko, katak ko, im peel tūreep ko ipeļaa kin Spokane.

## KILIN MOUR ILO JUKJUKIN PĀD

Būrookrāām in ej jipañ ro me ewōr aer IDD bwe ren bōk kunaan ilo būrookrāām ko, makūtkūt ko, im jermal in jipañ ko me ro dettaer wōt rej kōmmani.

## SUPPORTED EMPLOYMENT

Būrookrāām in ej lale ta kapel ko an ro me ewōr aer IDD innām rej jipañ ir kapok jermal ko ak job ko ekkar ñan kapel ko aer. Supported Employment ej leļok kapilik kōn wāween jermal ilo juon job bwe en tōprak kōnaan ko an ri jermal eo im boss eo jimor.

## BŪROOKRĀĀM KO JET

Jikin jokwe ko me elōñ ri lale im ri jipañ ie Būrookrāām in Transition ko im ñan Jodikdik Jikin jipañ kōn Technology

# JIKIN JOKWE ME ELŌÑ RI LALE IM RI JIPAÑ IE

Elōñ bwijin kain jikin jokwe rōt kein an The Arc of Spokane im ej jipañ elōñļok jān 50 rūtto ro me ewōr aer IDD im rej make wiaik mo ko imweir, rej lease, ak er im ro jet rej jimor rent.

Ñe rej kile bwe ewor aer anemkwōj ñan jermal, kōmmao ippān ro jet, im ikkure ak kakkije ñe rekōnaan, ro im rej jokwe ilo jikin kein remaroñin lukkuun mōñōñō im mour juon mour emman: remaroñ jokwe ilo juon em emman im koñ, remaroñ bōk kunaan ilo makūtkūt ko an jukjuk in pād eo aer, im enaaj wōr ri jermal ro me relukkuun jouj im re kapel ilo aer jipañ armej ro kōn ājmuur ak men ko jet im rej aikuj jipañ kaki.

*Bwe kwōn teru ñan būrookrāām in jokwe in etan in The Arc of Spokane's Supported Living, e aikuj wōr am Core III waiver jān Washington Developmental Disabilities Administration (Developmental Disabilities Administration, DDA) im e aikuj wōr am referral jān case manager eo am jān DDA.*

**WASHINGTON  
DEVELOPMENTAL DISABILITIES  
ADMINISTRATION (DDA)**

**Talboon: (509) 329-2900**

**Website: [www.dshs.wa.gov/dda](http://www.dshs.wa.gov/dda)**





# EN BÖRO-KŪK AINIKIÖD

Je lukkuun mōñōño in jermal ippān armej rein im kōjparok maroñ ko aer im jipañ ir mour ilo jukjuk in pād ko aer meñe ewōr aer IDD. Je maroñ jermal ippān doon im jimor kwaļok ānikiōd ikijjien aikuj ko an armej rein ilo jukjuk in pād, state, im Amedka bwe en jab wor jabdewōt kain kalijekļok ilo jikin jermal ko, jikuu! ko, jikin jokwe ko im jukjuk in pād ko.

## JOJOMAAR AN KIEN

Eļap amim jermal ippān ri kōmman kien im kōm ej rōjañ ir bwe ren kōmman oktak ko reņman me renaaj jelōt armej rein, im kōmej rōjañ baamle ro bwe ren bōk kunaer im kwaļok anikieir ñan jipañ ro ilo baamle ko aer me ewōr aer likjab.

## JUTAK KŌN IR MAKE

Ro me ewōr aer IDD, remaroñ make kōñōño im kwaļok kōnaan ko aer im aikuj ko aer ilo aer mour jān raan ñan raan.

## JOJOMAAR AN JUKJUK IN PĀD

Kōm ej jermal ippān ri tōl ro im doulul ko an Spokane bwe kōmen kōmman juon jikin me ej karuwaneneik aolep, kōjparok ro rej jokwe ie, im bwe en juon jukjuk in pād me e koñ im ejjeļok nana im kalijekļok ie.

## BUKWŌN IN SPOKANE DOULUL AN PĀREN RO

Ro ilo doulul in rej pāren ro, ro me rej jipañ ri nañinmej, im ri lale ro ilo Bukwōn in Spokane me ewōr ro ilo baamle ro aer ak ro rej jermal ippān me ewōr aer IDD. Armej rein rej ri jutak ilikeir im rej tōle ro jet bwe ren kakōmanmanļok kien ko ilo bukwōn ko aer im state ko aer bwe ren jipañ ro me ewōr aer IDD kab baamle ro aer.



# MŌN WIA IN SECOND HAND

Ñe kwōj wia jān mōn wia ko an The Arc Thrift Store, jān ko aņ rej jipañ kōļļā oñān jipañ ko im būrookrāam ko me The Arc of Spokane ej lilok ñan ro me ewōr aer IDD kab baamle ro aer. Jān ko aņ ak mweuiuk ko kwōj leļok ñan mon wia kein rej lukkuun jipañ armej rein me ewōr aer IDD.



## Spokane

11008 N Newport Hwy  
Spokane, WA 99218  
(509) 822-7748



## Spokane Valley

1441 N Argonne Rd  
Spokane Valley, WA 99212  
(509) 960-7777

**AWA KO RE PELLĻOK**  
MANDE-JĀDEDE: 9 a.m.-7 p.m.  
JABŌT: 10 a.m.-6 p.m.

**AWA KO IM KWO MARŌN BŌKĻOK**  
MWEIUK ÑAN MON WIA EO  
MANDE-JĀDEDE: 8 a.m.-6 p.m.  
JABŌT: 10 a.m.-5 p.m.

**Calle (509) 328-8100 ñe kwo kōnaan käälet juon iien bwe ren iwōj im ektaki men ko mweium. Ejjeļok oñān**





# JABDEWŌT MEN IM KWŌJ LETŌK, JEKDOḶON JOÑAN AN DIK AK ʎAP, ENAAJ JIPAÑ

Jabdewōt men im kwōj letōk jekdoḶon joñan an dik ak ʎap, e kanooj ʎap an naaj jipañ armej rein me ewōr aer IDD kab baamle ro aer. Kōn jipañ eo aḿ, The Arc of Spokane emaroñ tūriamo kake kajjojo armej me ewōr aer IDD im oḱeaki aikuj ko aer kōn būruōn karijer.

Ñe jej ej jermal ippān doon, je maroñ kōḿḿan juon jukjuk in pād me ejjeʎok kalijeʎok ie. Ñe jej jermal ippān doon, jej kōḿḿan bwe en po ʎōmān kajjojo mour.

Etal ñan website in [www.arc-spokane.org/give](http://www.arc-spokane.org/give) bwe kwōn leʎok jāān \$\_\_\_\_\_.  
(Kememej: Ejjeʎok joñan im jab bwe.)



**The Arc**

of Spokane

320 E Second Ave  
Spokane, WA 99202

(509) 328-6326  
[info@arc-spokane.org](mailto:info@arc-spokane.org)  
[www.arc-spokane.org](http://www.arc-spokane.org)

**LALE PAGE EO AMIM  
ILO INSTAGRAM**

@thearcofspokane  
@thearcspokanethrift

**LALE PAGE EO AMIM  
ILO FACEBOOK**

The Arc of Spokane  
The Arc of Spokane Thrift Store

**JUON JIKIN ME EBAN WŌR KALIJEKʎOK  
IE KAJJOJO MOUR EN PO ʎŌMĀN**